



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 38. Nestorius citatur.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V.
A. C. 431.

§. XXXVIII.

Nestorius citatur.

Theodotus Ancyranus dixit: *Scripta suo tempore legentur, nunc ordo postulat, ut piissimus Episcopus Nestorius præsens sit, ut, quæ Religionem respiciunt, communi suffragio componantur.* Herimogenes Rhinocoruranus dixit: *Heri a Vestra Sanctitate missi fuimus, ut piissimum Nestorium moneremus, sancto Concilio se sisteret. Respondit: Deliberabo, & si ire me oportet, ibo.* Cæteri tres Episcopi, qui cum ipso delegati fuerant, nempe Athanasius Paraliensis, Petrus Castrensis, & Paulus Lampensis idem testimonium reddidere. Flavianus, Episcopus Philippensis, dixit: *Aliqui Episcopi rursus mittantur, qui Nestorium monent, ut in Concilio compareat.* Tres igitur ad hanc missionem fuere selecti, nempe Theodulus Elusiacus in Palæstina, Anderius Chersonesi in Creta, & Therpemptus Cabasinus ex Ægypto; hos comitari iussus est Epaphroditus, Lector, & Notarius Hellanici, Episcopi Rhodensis; monitum scriptum deferebant, in quo citationis pridianæ mentio fiebat. Ubi redierunt, Presbyter Petrus dixit: *Cum modo pii Episcopi, quos sanctum Concilium misit ad Nestorium, præsentés sint, rogamus eos, ut dicant, quid Respon-*

p. 453.

sponsi acceperint. Episcopus Theopem-^{Sæculum V.}
 ptus dixit: *Accessimus domum piissimi* ^{A. C. 431.}
Nestorii, & cum videremus multos mili-
tes, baculos manibus tenentes, rogavimus,
ut aliquis Nestorio indicaret, nos adesse;
id facere recusarunt, dicentes; solus est,
dormit, & nobis injunctum, ne quemquam
ad ipsius alloquium admittamus. Diximus:
Quomodo, nullo responso accepto, redire
possumus? Sanctum enim Concilium nos
misit, qui moneremus, ut veniat. Cleri-
corum aliqui, limen egressi, idem ad nos,
quod milites dixerunt. Nobis vero ulte-
rius instantibus, & Responsum petentibus,
Florentius Tribunus, Comitum Candidia-
ni socius exiit, & expectare nos jussit,
quasi cum responso rediturus. Expecta-
vimus; tum Florentius, cum Clericis
Nestorii rediens, dixit: ad conspectum e-
jus admissus non sum, sed mandavit, ut vo-
bis dicerem, tunc demum, cum omnes Epis-
copi congregati fuerint, ipsum quoque ad-
venturum. Nos ipsum loquentem, omnes
milites, & Clericos, ut hujus rei testes
esse vellent, admonuimus, & recessimus.
 Alii duo Episcopi delegati affirmarunt, *Epist. Cyr.*
 Theopemptum vera retulisse. Hos mi- *ad Dalm. p.*
 lites, quos Nestorius in suam custodiam ^{562.}
 adhibebat, Comes Candidianus con-
 cesserat.

Flavianus, Episcopus Philippensis, di- ^{p. 457.}
 xit: *Ne quidquam de ordine Judicii Ec-*
clesia-

Sæculum V. *clesiastici* omittamus; cum notum sit
 A. C. 431. piissimum Nestorium heri, hodieque mo-
 nitum, necdum comparuisse, tertio per
 Anysium, Episcopum Thebanum, Dom-
 num Opontinum, Joannem Hepbestenum,
 & Danielem Darnensem, citandus est.
 Hi igitur ad Domum ejus se contule-
 runt, comitante Anysio Notario, & Fir-
 mi ex Cappadocia Lectore, qui ferebat
 admonitionem scriptam in hæc verba.
*Hac tertia Citatione sanctissimum Conci-
 lium, sicut Canones præcipiunt, Tuum
 Pietatem vocat, & hanc moram patienter
 indulget. Ergo saltem nunc venire
 dignare, ut te de propositionibus Hæreticis,
 quas publice in Ecclesia affirmasse ac-
 cusaris, purges; scias enim, nisi compa-
 reas, sanctum Concilium teneri, juxta Ca-
 nones contra te pronuntiare.*

Ubi quatuor hi Legati ad Concilii
 Patres redierunt, Petrus Presbyter ro-
 gavit, ut, quid ipsis responsum fuisset,
 referrent; Joannes, Episcopus Hephe-
 stenus, Provinciæ Augustamnicæ in Æ-
 gypto dixit: *Juxta imperium Vestra
 Pietatis, Domum piissimi Nestorii adivi-
 mus, præ foribus multos milites inveni-
 mus cum fustibus, rogavimus, ut sub por-
 ta stare liceret, atque aliquis indicaret,
 nos a sancto Concilio missos, ut tertiam
 monitionem afferremus, &, ut veniret,
 leniter invitarem.* Diu ibi stetimus,

nec enim milites concedebant, ut saltem in umbra staremus, imo duriter repellerebant, verba parum honesta adjicientes; dicebamus: Episcopi quatuor sumus, & missi, non ut ei injuriam inferamus, sed juxta Canones invitaturi, ut veniat ad Ecclesiam, & cum Patribus confideat. Tandem a militibus dimissi sumus, dicentibus, nihil aliud Responsi obtenturos, etiamsi ante Domus fores usque ad noctem persisteremus. Subjungebant; se ob id ipsum hic excubare, ut neminem, a Concilio missum, admitterent, atque a Nestorio jussos hoc facere. Tres reliqui Episcopi, Joannem vera retulisse, confirmarunt.

Sæculum V.
A. C. 431.

§. XXXIX.

Doctrina examinatur.

Juvenalis Jerosolymitanus dixit: Quamvis tres Citationes secundum Ecclesie Leges sufficiant, non gravaremur, Reverendissimum Nestorium etiam quarto vocare; quia vero domum suam militibus circumdedit, qui adeuntes arcent, satis exploratum habemus, malæ conscientie stimulis impediri, ne ad Concilium veniat. Nihil ergo ulterius differendum, sicut Canones decernunt, sed conservationi fidei invigilandum. Primo legatur Confessio Nicæna, ut ea, quæ circa fidei materiam prolata fuere, cum illa Confessione

ne